

THU AWMTE

1.	Editorial	2
	<i>Sermon:</i>	
2.	Lawmthu sawi pawimawhna	3
	<i>Ram chung Pastor-te:</i>	
3.	Rawngbawlna Report	7
	<i>Mission huang:</i>	
4.	Mission rawngbawlna	12
	<i>Bible Study:</i>	
5.	Engtin nge chhandam ka nih theih ang	14
	<i>Fellowship huang:</i>	
6.	MPKTP Report	18
	<i>Biography:</i>	
7.	Benjamin Netanyahu	21
8.	Sunna	31

JULY THLA CHANG VAWN:

Sawisel suh u, sawisela in awm loh nan. In sawisel ang bawkin an sawisel ang che u; in tehna ngai bawkin an tehsak leh ang che u.

Tin, engati nge mahni mita khanchhuk awm chu ngaihtuah si lovin, i unau mita hmawlh te tak te awm chu i hmuh ni?

Matthaia 7:1-3



Editorial

Tunlaia hla lar ve tak pakhat chu, “Fakna hi kan tan hmelma; sawi chhiatna erawh kan thian” tih hla hi a ngaithla tawhte chuan a thu a tha hle mai kan ti hlawm ngei ang.

Fak nih hi kan duh theuh ang, fak hlawh tur pawhin kan theih tawh chhuah duh theuh kan ni ang. Thenkhat phei hi chuan fak hi kan duh khawp a, miin min fak hma hmain mahni kan lo infak hman-hmawh thin a nih hi! Chutih laiin, “Mahni infak leh Sakhi ngalah engmah a bet lo,” tih thu hi Mizo chuan kan lo nei leh khauh mai. Kan pi leh pute khan mahni infak hi an dah thupui lem lo hle niin a lang. Hmaichhana infak te, fak derna te hi a tha lem lo hle, thatpui aiin chhiat phabna a ni duh viau.

Chawimawina pawh hi mi min pek nghak zo lova mahnin kan inpektir te pawh a awm

thei awm e.

Sawi chhiatna erawh kan thian tih hi kan thian atan tha kan ti a nih pawhin kan ngaina viau lo a nih hmel; sawi chhiat kan duh loh them dan atang hi chuan. Sawichhetu nih hi chu a awl viau, mi dang sawisel mai pawh kan awlsam tlang viau; mi sawisel leh sawichhiat nih erawh kan duh lovin a nuam kan ti hauh lo.

Miin kan dik lohna ngeia min sawisel pawhin a dawn-sawn a nuam lova; kan dik lohna a awm loh phei chuan kan sa nghal phat thin a nih hlawm hi.

Chuvangin tul lova insawisel te hi ching lo ila, tha famkim a awm theih lohva tisual thei vek kan nih avangin eng emaw hlekah mite thiltih emaw, an awm dan emaw sawisel nghal zung zung te hi chin loh a tha; Sawichhiatna erawh thiana nei thei turin siam that ngai kan neihna lai apiang insiam that tum theuh ila kan khawsakhona hi hlim-awm leh nuam tak ni turin kan pawimawh theuh a ni.

LAWM THU SAWIPAWIMAWHNA

(Children Sermon)

Lalramdinmawia

Bible inngahnate:

Thilṭha ti atan Messia Yeshuaah chuan siama awmin, ama kutchhuak kan ni si a; chu thilṭha tih chu kan awmna turin Pathianin a buatsaih lawk a ni. (Eph 2:10)

Tin, fuihna thu dang tam takin mite hnénah Chanchin Ṭha a hril ṭhin a. (Lk 3:18)

Thuhmahruai

A hmasain, kan sermon hi nu leh pa leh ṭhalai zawkten kan fate, naupangte hriat lai ngeia chhiar ṭheuh turin kan in sawm a ni. Naupangte hi Pathian biak inkhawmnaah an tel ve ṭhin ngei a. Nimahsela, an ngaihthlak thiam tur zawnga Pathian Thuchah sawi emaw, an puala Pathian thutawi sawi chhuah emaw pawh ni se, hriat tur a vang viau mai a. Chuvangin, tun ṭum sermon hi chu naupang puala thuchah sawi (Children Sermon) a ni deuh ber a. Puitlingte pawhin kan

hlawkpui vek tur leh a taka kan hman theih tur thil a ni dawn nachungin, naupangte tanah kan lo chhiarsak ṭheuh dawn nia.

Lawmthu sawi pawimawhnate

In chhungte vang emaw, thil dang vang emaw tein lungawi vak loh nite in nei ṭhin ang tir'u. Chutiangah chuan zirlai zirte, thiltih hrim hrimte a chakawm lo va, chhungten min tirh pawhin tih a chakawm vak lo ṭhin a ni. Mite tihhlim nan leh chawhphur nan thil pawimawh tak tak tih tur a

awm a, chungte chu vawiinah hian kanzir dawn a ni.

1. Lawmthu inhrilhin mi a tihlim

Hlim duh lo kan awm em? Awm lo ang tir'u. Mi tin mai hian hlim taka awm kan duh vek a ni. A nih leh hlimna hi engtia neih tur chi nge ni le? Chhandam kan nih theih nan Pathianin a Fapa Yeshua Messia min pék avangte, kan mamawh chaw, ei leh in min pék avangte hian kan hlimin kan lawm tur a ni. Bible-ah chuan, *“Miin a tawngka rah chhuak chu a seng ang,”* tih kan hmu a (Thuf 12:44). Hlimna hi Pathian min thawh chhuahsak atang chauha lo awm ni lovin, kan thawh rah pawh a ni ve tih kan hriat a ngai a ni.

Mi tam tak chuan hlimna zawngin an thiante tih ang - soal lam thil an khawih a, taksa tana tha lo thil an eiin an in a; an hlim chuang lo va, an thil tih chuan an lungngaihnaa

belhchhah zawk thin a ni. Sual ti ve lote kha chu an hlim zawk daih ang. Lalpa duh dan angin mi lawmzawng kan sawi chuan kan hlim ngei ngei thin a; i hlim chuan i bula mite pawh an lo hlim ve dawn a, chu chu hrisél nan a pawimawh ém ém a ni. Chuvangin, hrisélte, hmél that te kan duh chuan hlim taka kan awm zél theih nan lawmthu inhrilh fo hi a pawimawh ém ém a ni.

2. Lawmthu inhrilhin mi a fuih

‘Fuih’ tih hi a awmzia chu ‘tiphur, tithatho,’ tihna a ni a. Thil tih kan phur theih nan kan infuih thin a ni. Mi tin mai, naupang leh puitling pawh fuih ngai, intichaka, infuih tawn mamawh vek kan ni. Chumi atana hmanraw tha tak chu lawmthu inhrilh tawn hi a ni. Vawiin thlenga kan tih tur chi hrang hrangte kan tih theih avanga Pathian lawmthu kan hrilh chuan a lawm ém ém dawn a ni. Chutiang bawkin

kan nu leh pa te, kan zirtirtute, kan thiante leh kan mamawh min tihsaktute lawmthu kan hrilh khan an lo hlim a, an lawm ém ém thin a; thil min tihsak lehzel te pawh an chak phah thin a ni.

Naupang pakhat hi Sabbath Sikul-ah hian a lo kal tlai fo mai a, an zirtirtu pakhat chuan hau mai lovin, “Tlai chung chung pawhin i lo kal hram hram zél a, a lawmawm hle mai,” a ti ta daih mai a. Chu naupang chuan a rin loh deuh-va zirtirtuin lawmthu a lo hrilh chu mak a ti hle a, a rilru a khawih ta ém ém a. Chuta tang chuan a tlai ngai ta lo a ni.

3. Thiltha tih

Yeshua lamtangte kan ni vek tir’u. Yeshua naupangte kan nih chuan thil tha kan ti thin tur a ni a. Tawngkam tha leh mawi, kan hman thin a ngai a ni. Mi lawmzawng tawngkam sawi tur chuan inngaih-tlawm a ngai a, chu chu

Pathian lawmzawng a ni. Mahse, kan dam chhung hian sualin min tibuai fova, thil tha tih kan duh laiin thil sual kan lo ti leh thin a. Bible-ah, “Thil tha tih i ning suh ang u, kan inthlahdah loh zawngin a hun takah chuan kan seng dawn si a,” tih kan hmu a. Thil tha tam tak a awm a, in tih theih awm tawk chauh sawi ta ila: Pathian thuawih te, inkhawm thin te, tawngtai te, Bible chhiar te, taima taka lehkha zirte leh kan awmna hmun apianga kan tih theih tawk tih zélte hi a ni a. Mi hlawhtlingte hi hetianga hun hmang thinte an ni deuh zél a ni. An nun a lo hlim a, lawmthu sawina tur an neih tam phah thin a ni.

Kan nu leh pate zu in mi te, inkhawm ngai lo te pawh an ni maithei a, kan tawngtaipui tlat chuan Pathian lam an lo hawi huna awm ngei ngei ang. Kan thiante zingah pawh fel vak lo an lo awm thei a, an felna lai te fak ila, an thil tihthatah te lawmthu hrilh ila, thiltha tih zél duhnate an lo nei

thei dawn a ni. Hetianga thil
 ṭha kan tih hi Chanchinṭha
 hrilna a ni zél a. Pathian a
 lawm a, malsawmna pawh min
 vur ngei ngei ṭhin a ni.

Tlangkawmna

Kan Bible thu inngah-
 naah hian, *Thil ṭha ti atan
 Messia Yeshuaah chuan
 siama awmin, ama kutchhuak
 kan ni si a; chu thil ṭha tih
 chu kan awmna turin
 Pathianin a buatsaih lawk a
 ni.* (Eph 2:10) tih a ni a,
 Chanchin ṭha Luka ziaak bung
 3:18-ah *Tin, fuihna thu dang*

*tam takin mite hnénah
 Chanchin ṭha a hril ṭhin a.*
 tiin Yeshua chu mi dangte
 fuihtu a nihna a tilang a ni.
 Lawmna kan neiha lawmthu
 kan sawi te, hrehawm kan tih
 chang pawha lawmthu kan
 sawi thei zél a nih chuan kan
 lo hlim ang a, kan hlim chuan
 mite tana thil ṭha tih chakna
 kan lo nei belh zél a; chu chu
 tisa leh thlaraua puitlin lam
 pan zél nan thil pawimawh tak
 a ni.

LALPAN a thu malsawm
 rawh se. Amen.

Headquarters-ah kumin 2023-24 Budget dawn
 tawh dan —

1. Mamit Circle	₹	150,000/-
2. Siah Circle	₹	80,000/-
3. Siata Circle	₹	60,000/-
4. Phawngpui Circle	₹	60,000/-
5. Champhai Circle	₹	105,000/-
6. Khawzawl Circle	₹	75,000/-
7. Aizawl Circle	₹	72,000/-
8. Chawngte Circle	₹	100,000/-

RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor
ST John Beingachhie



Pastor
C. Liansanga



Pastor
H. Lalfakzuala



Pastor
Robert Malsawmsanga

Pastor John Beingachhie

Ni 10.6.2023 Sabbath kha Hmunpuiah a hmanpui a, Sabbath inkhawm bak chu zan lam leh chhun lamah inkawm-khawmna hun atan an hmang. Deacon C. Sanduailova lehkhabu ziah "Ram Thianghlimah" tih chu chhungkaw tin kimin a thlawna pek an ni baw. Pathian thu an ngaihven tlangpui te pawh Jerusalem lam hawi hlirin an sawiho thin avangin ngaihnawm an tih bakah zawhna tamtak a dawng baw.

Kohhran dang atang pawhin kawmtu an awm ve baw. Chhungkaw damlohna in a tlakbuak reng a, kohhran

hote hnen atangin tawngtai-puina an dawng nasa thin.

Ni 19.6.2023 khan vanduai-thlak takin kan kohhran tlangval, Lalnuntluanga kum 36 S/o M. Lalthansiam(L) Lungverh peng, Phunchawng-a mi chuan thawhleha hmasa nghakin min muthilhsan tak avangin, a vuina hun a hmang. Pastor ST John Beingachhie te chhungkua hi damlohnain a tlak buak ve reng avangin bial fang pawhin a zin chhuak hleithei rih lova, tawngtai-pui an ngai hle.

Pastor C. Liansanga

Dt 3.6.2023 Sabbath hmangin Bualpui (Ng)-ah

Phawngpui Circle Executive Committee neihpui turin a kal a, Bial chhung, Niawhtlang, Sangau leh Cheural atangtein Members an kal khawm a, Programme hlimawm tak neih a ni a, Sabbath niah Marina Lalnunpâri D/o Duhhmunga chu Pathian hnenah a hlan. Sabbath inkhawmah Thupui Luke 13:23 "Kawngka zim" tih thu hmangin Sermon sawina a nei a, inkhawm bânah Phawngpui Circle Executive Committee a neihpui a, Agenda hrang hrang rêl leh ngaihtuahho bakah, Headquarters Budget insem sawm leh target hrang hrang insemna pawh neih nghal a ni. Phawngpui Circle hian Revival Crusade neih nise tih a remti baw a; Bialtu Pastor hmâlakna leh huaihawtna hnuaiah dah niin, December thlâ remchang hmasa berah neih nise tia rel a ni baw.

Dt 4.6.2023 khan, Siaha Circle Executive meeting a neihpui leh a, Committee Members Lawngtlai atang

tein an lo kal baw a, Siaha Biak inah neih a ni. He Committee-ah hian, a bikin Headquarters Budget insem-sawm leh Circle hmalâkna hrang hrang rel a ni a, Circle hruaituten bial a lo chak theih nan, OB-in bial fanna neih nise tia rel a ni baw. Siaha Circle pawh theihtawp an chhuah a an phur thar hle baw a ni.

Dt 23.6.2023 khan Chhuarlungah Sabbath hmangin kohhran a tlawh leh a. Pathian awmpuina changin Kohhranhote pawh an lo dam tha. Chhuarlung hian an Biak in sak lai pawh an sa zo tep tawh a tih theih a, harsatna dang a awm lo a nih chuan, 2023 Kum tawp December thla hian, a hawna leh Pathian hnena hlanna neih tura ruahman a ni.

Sabbath niin Inkhawmna hlimawm tak an nei hova; thalaite fuihna leh thilpek chungchang a sawi a, Kohhran hote pawn an hlawkpui bakah thalai lamte pawn an hlawk-

pui. Chhung tinte tlawhin tawngtaina a hmang zel bawka, Chhualung hi Circle Conference dawng tur an nih avangin an inbuatsaihin Kohhranhote pawh tan an la nasa hle a ni. Tin, PKHP lam te pawn an Budget leh target engemaw zat an Submit bawka, Chhualungah hian, Sabbath hlim taka a hmanpui zawhin Siaha lam panin a rawn haw san leh ta a ni.

Pastor H. Lalfakzuala

Dt. 4.6.2023 khan Pastor HC Zosanga Chairman Mizoram Conference leh Champhai Circle hruaitute Elder F.Tharzuala, Elder JH Lalbiaknggheta te nen zan khat riakin Sazep Local tlawhin an kal a. Sazep Local-in Biak In thar an sak mek en leh an sak zel dan tur rel puin an kal a, kohhranhote pawh an lawm thiamin zan lamah Pathian biak inkhawmna an nei a, Pastor HC Zosanga'n 'Thianghlimna' tih hmangin Pathian thuchah a sawi a. Pastor HC

Zosanga leh Pastor Faka te hian Zotlang hmunah thla khat dawn rawngbawlna an neih hnuah Ni 19.06.2023 khan Aizawlah a hawn san a, Pastor Faka pawh bial fan a chhonzawm ve nghal a ni.

Dt.22.6.2023 khan Buangah a kal a, zan khat a riak a. Buangah hian kohhran chhungkaw khat chauh an awm avangin an khua a har thin hle a, rawngbawltute an kal hian an lo lawm thiamin an ngheh phah hle bawka a ni. Buang atangin Bungzungah Sabbath hmang turin a kal leh a, Khuanglengah darkar thum vel chawl pheiin kohhran In thum a tlawh pah a, Sabbath chu Bungzung Local-ah a hmang a, Sabbath intan zan leh Sabbath chawhmaah inkhawmna an nei a, kohhran pawn lam atangin chhimtu an nei thin.

Dt.30.06.2023 khan Khuanglengah Sabbath hmang turin an chhungkuain an kal a, kohhranhote pawh an lawm

hle a ni. Khuanglengah hian Sabbath chawhma leh chawhnuah inkhawmna an nei a, inkhawm pawh an tha hle a, Pathian thuchah pawh an ngaithla uluk a, hlawkpui hlein an in hria a ni. Pathian hruaina zarah bial fan boruak a nuam tih thu a sawi bawk. Kohhranhote pawh Pathian thlarau pawlna duhawm tak avangin an lawm tlang viau a ni. Tin, bial fanna atang hian sawma pakhat leh thilpek dangte pawh a la khawm zel bawk a. A hun neih remchan laiin Champhai Local pawh in hrang hrangah lengin a tlawh kual thin a, kohhran hmeichhiate nen damlo te kanin tawngtaina te an neihsak thin a ni.

Pastor Roberta

June 2-ah bial fang turin Lunglei a chhuahsan a, Elder Kapchhawna'n a tawiam a, June 3 (Sabbath) chu Leiteah an hmang a, mitthi a awm avangin inkhawmna an nei thei lova; mahse, chung tin tlawh

chhuah an ni a, mimal leh chhungkaw tin infuih thar nan hun tha takin an hmang thei. A tuk June 4 (Sunday)-ah Hnahtial panin an kal leh a. Elder H Chhanpiala te nupain nghakhlel takin an lo thlir reng a, dar 10 velah Hnahtial thlengin dam takin an inhma a an hlim tlang hle.

Elder H Chhanpiala hian Pathian Thu hriat fiah loh deuh a neih te a zawt a, tha takin an inhrilhfiyah zel a, tlai lam dar 3 thleng Pathian Thu sawi dunna hun an nei thei a ni. Hnahtial atang hian sawma pakhat, buhfaiham leh target dangte an hawntir bawk a, Elder H. Chhanpiala te hi In sa lai an nih avangin a makpa te in hnuaiyah an awm a, riah a rem loh avangin Pangzawl panin an kal leh ta a, tluang takin tlai lam dar 4:30-ah Pangzawl an thleng.

Pi Hrangsiami w/o Elder Darzama (L) hi cancer a ni a, Aizawl lama inenkawl deuh reng a ni a. Tun tum an kal

chu in lama a lo awm lai a ni a, zan inkhawmnaah ama pual bik takin – “Cancer in a ngam lohte” tih thupui hmangin thlamuanna leh fuihna thuchah a sawi. June 5 (Monday)-ah chuan Pangzawl atangin Lunglei panin an haw ta a. Leite-ah te chawl lehin an kal zel a, Leite an pelh hnu lawk hian Tv. Joshua Malsawm-liana, Saizawh West thih thu an lo hrih a. Kohhranhote – Chawngte lam leh Lunglei lamte hrih nghalin, hmanhmawh takin Lunglei panin an tlan zel a, tluang takin dar 11AM-ah an thleng a ni.

June 6-7 (Joshua vuina): Lunglei a thlen rualin Saizawh pan turin a inruahman nghal zung zung a, tichuan zan dar 8-ah tluang takin Chawngte a thleng a. A tukah Elder Lalţanpuia lirthei hmangin Joshua Malsawmliana vui turin Chawngte atangin Saizawhah an kal a. Vuina hun a hmang a, thlanah Elder Lalţanpuia'n a hmang thung a ni. A tuk thlan nghah pawh

la chamin Chawngte kohhranhote nen an kal leh a, Elder H Chhanliana'n hunserh a hmang a, tlai lamah kohhran puipaten zanriah an kilpui nghal bawk.

He zanriah hi Chawngte kohhranten Elder V Sangkhupa f/o Joshua Malsawmliana te chhung thla hual nana an buatsaih a ni. Chawngte kohhranten Pastor thlahlelin cham turin beisei viau mah se, Lungleiah rawngbawl laklawh pawimawh tak mai kalsan a neih avangin a cham thei ta lova, June 8-ah Lunglei panin a haw leh ta a ni. Chawngte Circle hian an target Rs. 100,000.00 (cheng nuai khat) an hawntir a, Mizoram Conference bank account-ah thun nghal a ni.

Shofar-ah hian Sermon te, Article te, Mahni khaw chanchin leh kohhran lo din ţan dan te ziak duh chuan type sa-in Editorial Board Member-te hnenah a thawn theih reng a, a remchan dan ang zelin tihchhuah ţhin a ni ang.

MISSION RAWNGBAWLNA

Pastor Haggai Basumatary

June thla hian State hrang hrang hmun tinah ruah a sur nasa viau mai a, tui lianin a chimpil avanga In leh lo chan te bakah mipui chhiat tawk (mitthi) an tam ang reng a. Pathian zarah Kohhran mite erawh kan himin kan dam tha e. Fur ruahpui tam lai mah nise, Pathian hnathawh zarah mi thar ka tawng a. Kan rinna thute ka hrilh a, Thlarau Thianghlim tanpuina zarah zirtirna tha tak neih niin, CoG7-ah an lo lut ta a ni.

Ni 24.6.2023 (Sabbath) khan Pathian biak inkhawm banah Yeshua Messia hmingin Nagrijuli Bornodi, luiah Baptisma ka chantir a. Chung mite chu:

1. Shree Umlen Burial (23 yrs) s/o Lt. Sukram Guria of Borengajuli No. 1.Village.“P. O. Dimakuchi, Udalguri District, Assam.

2. Miss. Juspina Soren (21yrs)

d/o Barnabash Soren of Village, No. 1.Sonajuli District: Udalguri. (Anni pahnih hi Roman Catholic atanga lo lut an ni)

3. Miss. Jyoti Soren (18 yrs). d/o Joel Soren of Village No.6 Nagrijuli- TE. District: Baksa.

Heng mite hian Lal leh Chhandamtuah Yeshua Messia chu an pawm a ni. Chhanletna duhawm kan dawn thinnaah lawmthu ka sawi e.

Pastor Naresh Hembrom

Ni 25.5.2023 khan Sukrasahi khuaah mi 18 lai Baptisma an chantir:

1. Narasingh Leyangi (45 yrs).
2. Nandi Leyangi (42 yrs).
3. Jayanta Lagun (65 yrs)
4. Bairam Munda (42 yrs).
5. Galu Munda (45 yrs).
6. Tunguru Munda (35 yrs).
7. Sukra Munda (28 yrs).
8. Suniya Munda (30 yrs).
9. Balaram Sahi (55 yrs).
10. Gobinda Suri (50 yrs) .
11. Gurubari (35 yrs)
12. Dashami (30yrs).

SHOFAR	<i>Mission huang</i>	July 2023
--------	----------------------	-----------

- | | |
|--------------------------------|------------------------------------|
| 13 Gita (33 yrs) | 2. Baby : Jagadish Munda (2 yrs) |
| 14. Budhuni(29yrs). | S/o Suniya & Kandiri Munda. |
| 15. Pyari Suri (44 yrs). | 3. Susari Sundi (3 yrs) D/o |
| 16. Mita (38 yrs) | Gobinda Sundi and Pyari Sundi |
| 17. Panmani (46 yrs). | 4. Sleemani Sundi (1 yr) |
| 18. Kandiri (36 yrs). | D/o Gobinda and Pyari Sundi. |
| Naupang paruk Pathian hnen- | 5. Elleena Munda (3 yr) D/O. |
| ah tawngtaia hlanna neih a ni | Bairam Munda & Gulabari |
| bawk | Munda. |
| 1. Baby: Nanika Munda (3 yrs) | 6. Baby: Litu Munda (3 mts). |
| D/o Galu Munda & Budhni Munda. | S/o Bairam Munda & Gulabari Munda. |



ENGTIN NGE CHHANDAM KA NIH THEIH ANG?

Lalramdinmawia

Thuhmahruai

Zawhna mawlmang tak anga lang, zawhna pawimawh tak ni bawk si chu, “Engtin nge chhandam ka nih theih ang?” tih hi a ni awm e. Hemi thu-ah hian Philipi lung In-a tâng Paula leh Sila-te chu zawhna zawh an ni a, “*Ka pu engtin nge chhandam ka nih ang?*” tiin an zawt a. Anni chuan tihian an chhâng a, “*Lal Yeshua ring la, tichuan chhandamin i awm ang*” (Tirkhohte 16:31) tiin. Chhandamna chang tur hian Rinna hi sawi bo theih a ni lo tih a chiang hle mai. Lal Yeshua chu engtia rin tur nge tih hi Chhandamna chungchang kan zir rual hian tham tel ngei ngei a pawimawh thin. Engpawhnise, a bul tan nan, tun tumah hian a tlangpui chin kan enho dawn a ni.

Engvanga chhandam mamawh nge ka nih?

Chhandam kan nih theih dan tur sawi hma hian, eng vanga chhandam ngai nge kan nih nghal ngawt tih hi zawhna awm thei a ni a. Kristiante rinnaah hian mi tam takin pawm harsa an tih pawh chhandamna kan mamawh lai hi a ni reng a. A tawi thei ang berin sawi tum ta ila. Tute mai pawh hi سوالنا hian min nghawng vek a (Rom 3:23).

Sualsa a piang kan ni (Psalm 51:5). Chu سوال chhandam ngai hian min siam ta a ni. سوال chuan Pathian lak atangin min tihrang a, chatuana boral turin min hnutchhiah a ni.

Eng lak atanga chhandam ngai nge ka nih?

Kan سوالنا avangin kan vai hian thi tlak kan ni a (Rom 6:23). Tisa thiltih سوالin a nghawng chu tisa thihna a ni mai a, chu chauh ni lo سوال

avanga thihna ('Thih Hnihna' kan tih hi) a la awm cheu bawk. Sualna zawng zawng hian tawp chin nei lo chatuan Pathian a kalh a. Chuvangin, kan sualna pawh hi chatuan daih, tawp chin nei tawh lo tur a ni dawn a; chuvangin, kan mamawh tak chu chatuana boral tur kan nihna lak ata chhandam chu a ni (Matthaia 25: 46; Thupuan 20:15).

Engtin nge Pathianin chhandamna min pek tak?

Sualna chuan chatuan a daih avangin, Pathian chatuan mi leh tawp chin nei lo chauhin a man chu a pe tlâk thei a. Pa Pathian ngei chuan A Fapa neih chhun Yeshua Messia chu leiah a lo tir a, Yeshua chuan mihring taksa ang puin, chhandamna mamawh mi-hringte zingah a cheng a, chhandamna rawngbawl hna a thawk ta a ni. Yeshua Messia thihna leh Thawhlelehna leh Puithiam Lalber nihna rawng-bawl hna a thawhna ropui tak kha kan sual man tlak nan a famkimin a tawk em em a ni

(1 Johana 2:2). Sual avanga thi tur kan nihna chu a chungah nghatin aman a phur ta vek a. Yeshua Messia thihna leh thawhlelehna chuan kan sual man bat tlâkna tura a inpumpekna chu a that famkimzia a ti chiang a ni.

Eng thil nge ka tih ve ngai chu?

“Yeshua Messia chu ring la, tichuan chhandamin i awm ang” (Tirhkohte 16:3). I thinlung zawng zawngin Yeshuan i sual man bat a pek chu ringin, Amah chu ring la, tichuan i boral lovang (Johana 3:16). Pathian chuan chhandamna chu a thlawnin a pe che a, i tih tur chu rinna a pawm hi a ni. Yeshua kaltlanga Pa Pathiana rinna nghah tlat hi chhandamna kawng chu a ni (Johana 14:6). Hetah hian duhtawk ngawt ila, Pathian thu zir kan hlawkpui loh a hlauhawm dawn riau!

Rinna kan tih hian kan hriat chian duh tak, kan mamawh chhanna min pe

taw lo hle ang tih ka ring. Hei hi thuhrlitu tam takte sawi duh chin a nih avangin kan hrethiam thei meuh lo a, Rinna hi kan sawi vul chûk a, a awmzia erawh kan hrethiam thei meuh lo thin.”...*Ring la, tichuan chhandamin I awm ang*” tih kan hmu a, Ephesi 2:8,9-ah pawh, “*Rinna avanga khawngaihnaa chhandam in ni; nangmahni thawh chhuah a ni lo va, Pathian thilpek a ni; thiltih avang a ni lo ve, chutilo chuan miin an chhuang dah ang e.*” (Mizo, BSI Version) tiin kan hmu baw a. Rinna hi eng nge a nih chiah le?

1. Rinna avang nge Khawngaihna avang?

Chhandamna thu hi Mizo thuhrlitute sawi tam leh sawi ngaihnaawm thiam ber pawl a nih ka ring a. Mizo Kristiante zingah chuan kan sawi vul ber pawl chu a ni mai thei. A tul reng baw a ni. Chutih rual chuan, Rinna avanga khawngaihnaa chhandam kan nih lek si chuan THIAMCHANG kan nih ve theih nanah khan

kan thiltih avanga khawngaihnaa chhandam kan ni tihna a lo ni ang!

Chu chu Paula Pathian thu kalhmang a ni si lo! Paula chuan Rinna ni lovin khawngaihna a dah hmasa zawk tih hi hre ta phawt ila. Mihring hmasate bawhchhiatna leh Thuthlung hlui thilte lak ata chu Khawngaihna avanga chhandam kan ni tih hi Pathian thu laimu a ni.

Tihian sawi nawn leh ang: Kan thiltih avang ni lovin, rinna vang ni hek lovin Khawngaihna avanga chhandam kan ni.

2. Rinna awmzia chu eng nge?

Khawngaihna avang chauha chhandamte chuan Rinna kaltlangin Pathian khawngaih chhandamna famkim chu kan chang thei a lo ni zawk a. Rinna kan tih hi hriatna atangin a lo awm a, kan thil hriata chu kan rinhleloh loh a ngai baw a. Nimahsela,

chu thil pahnih chuan rinna famkim a siam chuang lo! Chu kan thil hriat, kan rinhleleh lohah chuan kan innghah ngam a lo ngai ta thin a ni. INNGHAH NGAM-NAAH rinna hi a lo famkim thin. Khawngaihna avanga chhandam kan ni tih hi kan hriat a, kan rinhleleh lohva, min chhandamtu min chhandamnaa kan innghah ngam a lo ngai a ni. Chu chu RINNA a ni kan ti thei ang. Chuti a nih si chuan, Bible-in rinna a sawinaah hian rin tawp tia kan sawi piah lam thil a inphum Chiang a ni tih hi kan zir chhuah a pawimawh khawp mai.

Tihian sawi leh teh ang:

Khawngaihna vangin chhandam kan ni a. Chu chu rinna kaltlanga neih leh chan tur a ni.

Paula Pathian Thu (Theology) sawina reng reng, ngun taka zirchian chuan ‘Khawngaihna’ tihah emaw ‘Rinna’ tihah emaw hian a tawp a khar ngai meuh lova. A hnu lam

thila kan awm dan tur hi a sawi kai fo a ni. Chu chu Mizo Kristiante hmuh kân leh sawi tlem thil a ni fo baw. ‘Ka rin chuan a taw’ tih theology lo chhuahna bul pawh Éng vanga chhandam nge kan nih’ tih kan sawi tlem vang a ni thei ang.

Pathian hian ‘Thil tha ti turin min chhandam’ tih hi kan zir tam ngai tak thil a ni. Pathian ngaiha Thil Tha chu A DAN leh THUPEKTE leh RINGTUTE NUN DAN TUR min zirtirte ZAWM leh VAWNNUN tlat hi a ni.

Khaikhawmna

1. Kan thiltih avangin Pa-thianin min chhandam lova, thil tha ti turin min chhandam zawk a ni. A thupekte leh a dan thu te ka zawm avangin min chhandam a ni lova, a khawngaih chhandamna avang zawkin a duh-zawngte chu ka ti zawk a lo ni. Thil tha a nih si avangin.

2. Chu thil tha tih chu kan awmna tur ni maj lovin
(*Chhunzawmna phek 20-naab*)

MIZORAM PATHIAN KOHHRAN ṬHALAI PAWL REPORT

BRANCH

- ▶ May 5, 2023 khan Aizawl Branch ṭhalaite chuan lirthei sil leh Arsa zawrh sum tuak hnatlang an nei a, Member 28 an thawk chhuak.
- ▶ May 6, 2023 khan Aizawl Branch ṭhalaite chuan PKṬP Sport, Passa Futsal Ground ah annei a, item chi hrang hrang tiin Group 4(li) ah an inthen a, Member 57 lai an kal-khawm thei a ni.
- ▶ May 5, 2023 khan Siaha Branch ṭhalaite chuan Lirthei silin sum tuak hnatlang an nei a, Member 14 an thawk chhuak.
- ▶ May 21, 2023 khan Chhaolo Branch ṭhalaite chuan sum tuak hnatlang neiin huan an samfai a, khawchhunga member awm zawng zawng chu an thawk chhuak vek a ni.
- ▶ May 7, 2023 khan Tawitawkawn Branch ṭhalaite chuan sangha manin sum tuak hnatlang an nei.
- ▶ May 27, 2023 khan Vairengte kuaah ṭhalai mi pali in Baptisma an chang thar. Pathian leh a kohhran tana inngahna tlak lo ni zel turin duhsakna kan hlan.
- ▶ Siata Branch ṭhalaite chuan hun remchang apiangah tuahthing chhekin sum tuak hnatlang an nei ṭhin a, member awm ang angte ṭang takin an thawk chhuak ṭhin.
- ▶ June 4, 2023 khan Aizawl Branch ṭhalaite chuan Ethnic Kitchen

hnuaiiah Catering sum tuak inhlawhna an nei a, mi 22 an thawk chhuak.

▶ June 10, 2023 khan Chawngte (P) Branch chuan Tv. Joshua Malsawmliana ralna hun chu an khua Saizawh West-ah an nei.

▶ June 11, 2023 khan Bungtlang South thalaite chuan tuahthing load-in an inhlawh a, member 11 an thawk chhuak.

▶ June 17, 2023 khan Aizawl Branch thalaite chuan Zirlai tithate lawmpuina hun an hmang a, Career Guidance nei nghalin Resource Person atan MPKTP President, Deacon HC Lalzawmliana an ruat a, hun hlawk thlak takin a hmanpui.

MPKTP

▶ May 21, 2023 khan MPKTP General Conference 2023, South Bungtlang-a lo awm tur atan Organising Committee

Meeting Vawi khatna, MPKTP President Deacon HC Lalzawmliana te inah neih a ni a, Committee Member 8 atangin mi panga(5) an tel thei a, Ex-Officio Member 3-ten an telpui bawk.

▶ June 5, 2023 khan kan Rawngbawlpui, Tv. Joshua Malsawmliana (Kum 34) s/o Elder V. Sangkhupa, Saizawh West khua chuan thawhleha nghakin min mutthilhsan ta a, MPKTP chuan kan member hi kan uin, a kalsan tak a chhungte leh Kohhranhote kan tawrh-pui takzet a ni. Lalpan thlamuanna min pe theuh rawh se.

▶ MPKTP President, Deacon HC Lalzawmliana chuan, Institute of Advanced Studies in Education, (Mizoram University) atangin M. Phil in Education-ah Degree thar a nei. Hlawhtlinna a channa kawngah kan lawmpui hle a, Kohhran huang chhung

aṭang a zirna lama hlawh-tlinna nei tur a fuihtu ṭha tak leh entawn tur ṭha tak kan nei hi a lawm-awmin, kan chhuang tak-meuh a ni.

► HSLC leh HSSLC 2023 result chhuak tharah MPKṬP-in a record theih chin aṭanga a lan danin, HSLC - 12, HSSLC- 23

pass thar Circle hrang hrang aṭangin kan nei thei hi a lawmawm em em a, MPKṬP chuan hlawhtlinna chang tharte a lawmpui takmeuh a ni. Hlawhtlinna chang zo ve ta lote pawh theihtawp chhuaha bei-dawng lova hma lam pan zel turin duhsakna a hlan bawk.

ENGTIN NGE CHHANDAM KA NIH THEIH ANG? *chhunzawmna*

kan nundan leh awmdan (περιπα-τήσωμεν) tura a buatsaih lawk a ni zawk a. Kan nundan tur renga a duan thil chu amah Ringtute chuan kan zawm ngei ngei a ngai a ni.

Tlangkawmna

Khawngaihna avanga chhandam inti te hian Pathian duhzawng eng thil tha nge kan tih ve le? Kristiante thil ṭha neih hi sakhaw dangte inzirtirna ang thil tha neih nen a inchen lek nge

ni a, kan awm dan tura Pathian buatsaih lawk thil ṭha chuan chhinchhiahna danglam tak a pu zawk le? Khawngaihna avanga chhan-damte hi kan thiltih ang zela rorelsak tur kan ni tih kan inzirtir tel a pawimawh khawp mai. Chu chuan, khawngaih rawngbawl hna hi ṭhahnemngai leh tui takin min thawhtir leh zual theih a rinawm.

LALPAN malsawm rawh se. Amen.



Benjamin Netanyahu

H.C. Lalzawmliana

Hnam anga din chhuah an ngaihna vanga an ram leh hnam tana nunna leh theihna zawng zawng pe thintute chu Israel fate hi an ni awm e, Hruaitu lah an nei ropuiin khawvel hmuhah pawh zahpuiawm lo leh chhuan tlak tam tak an lo awm tawh thin, tun tuma a chanchin kan sawi tura pawh hi Israel ram a lo pian hnu a, hruaitu ropui tak pakhat; a thisen far tawp thleng pawh a Israel tana ding ngam tur, a hmel en ringawt pawha a ram mipuiten rinna an nghah ngamna khawpa hmel pa tak leh tha tak mai, thu sawi liam ve puat puat lo, aw pa tak

leh thum deuh chhar nei, thu sawi kawnga mite thinlung pindan chhungril ber pawh kar ^ng bai thei khawpa thu sawi thiam, hnampui tawng (sapawng) an tih lah chu a neitute ai mahin a thiam emaw ni chu aw tih theih a ni, a aw phawi atanga ringawta teh chuan sappui fahrin ngei a nih hi a; tih mai tur a ni,

chu mi chu tu dang ni lovin kum 15 zet Israel ram lo hruaitu; tun hnaia Prime Minister Kal chhuak, a hnu Dec, 30, 2022-a a vawi ruk nana Israel PM rawn ni leh ta politics khawvela huhang ngah tak mai, Benjamin Netanyahu hi a ni.

Pianna leh Seilenna:

Kum 1949 October, Ni

21 khan an ram khawpui bera an hman Tel Aviv-ah a piang a, A nu chu Tzila Segal a ni a, A pa hi Benzion Netanyahu a ni. A pa hi Juda-ho zingah pawh mi thiam chungchuang leh vantlang chung lam kan tih ang kha a ni a, Israel ram din a nih leh theih nana tha thawhtu pawl Zionist kan tihte tan rum r<t leh thlawp tlattute zinga mi a ni. Khawvel thiamna lamah lah Historian lar tak niin Professor hna a thawk bawk. A U Yoni Netanyahu hi Uganda hmuna Israel thlawhna hruai kaw a nih laia chhanchhuahna hna an thawh tuma commander kha a ni a; nunna ch^ⁿ awmchhun kha a ni. 'Operation Entebbe' tia kan hriat lar em em kha a ni.

Benjamin Netanyanhu hi a naupan zual lai hun hi an pi leh pute atanga an khawpui ngaihhlut ber Jerusalem-ah hun a hmang ber a, kum 14 a nih thlengin

he khawpuih hian hun a hmang a, kum 1963 khan an chhungkuain tuna Philadelphia, United States-ah hian an insawn ta a ni.

Zirna leh Hnathawh:

Zirna kawngah pawh a duai lo hle a, a bul a tan tha a, a tawp pawh a khar ropui ngei mai, Elementary (Primary school) kan tih hi Henrietta Szold, Jerusalem-ah a kal a, hetihlai pawh hian an hriat dan chu naupang thuawi thei leh inthunun thei, harhvang, rualpawl thiam tak, mite tanpui hreh lo mi a ni tih hi a ni. Ani lah taka siamtu hian a din dan atang reng hian nakina hruaitu ropui tak ni tur hian dinin a duang sa emaw ni chu a tih theih hial reng a ni.

High School chu Chaltenham High School Pennsylvania USA-ah chhunzawmin pawl sawm pahnih thleng a zir a, kum 1967-ah tha takin a zo ta a ni.

Zirna a chhuzawm leh zel dawn emaw tih laiin chhuzawm ta lo chuan a pianna ramah ngei kir lehin sipaiah a ãang zui ta phawt a, kum nga teh meuh a ãan hnuin USA kir lehin zirna a chhuzawm leh ta chauh a ni.

Kum 1972-ah khawvel zirna sang an sawi zinga a ber lo ni phak leh vawiin thlenga mite ngaihsan *Massachusetts Institute of Technology* (MIT) zirna a chhuzawm leh ta a, chu zirna In aãang chuan B.Sc. (Architecture)-ah degree a nei zui ta a, MIT tho aãang hian *M.Sc. in Business Management* a zir zo leh a, zirnaah pawh a duai lo hle, khawvel mithmuhah pawh mi thiam tling phak a ni zui ta nghe nghe, chu mai a la ni hleinem Political Science subject-ah Doctorate Degree neih tumin *Harvard University*-ah zir chhuzawm leh ta zel a, khawvel University ãha eltiang Harvard-a chutiang a han

zir chhuzawm thei zel te chuan mi bik a nih zia a pholang Chiang Hle a; mahse, a U Yoni-a chu Entebbe operation an neihnaah a boral tak avangin a doctorate degree lakna tur pawh chu a chawhlsan phah ta zawk a ni. MIT-a a zirlai chanchin hi an Professor Grossier chuan ti hian a sawi nghe nghe “*A ti ãha hle a, zirlai thiamthei, tum nei ran, chakna ngah leh theihna nei sang filawr a ni*” tiin. An class-ah pawh a tiãha ber nihna a hauh teuh hle a ni awm e.

Zirna a zawh hnu chuan Boston Consulting Group-ah 1976-1978 thleng hna a thawk zui a, heta a thawh lai hian a hna thawhpui pakhat chu US Politician lar tak mai kum 2003-2007 inkara Massachusetts Governor pawh lo ni tawh leh kum 2012 a Republican Party Presidential candidate ni a, President Obama

pawh lo khing tawhtu Mitt Romney kha a ni. Tichuan Jerusalem lamah a kir leh ta, chutah chuan Marketing for Rim Industries-ah Director hna a thawk zui ta a, 1980 aṅanga 1982 inkar chhung a thawk a ni.

Sipai Nun:

Kan sawi tawh ang khan High School a zawh hlimin khawi dang mah hawi lovin an ram Israel-ah kir leh nghalin sipai nun chan a zawm nghal kha a ni a, chutihlaia an sipai pawl Israel Defence Force (IDF)-a a ṅa ber an tih zinga mi ‘Sayerat Matkal’ ngei chu a zawm zui ta kha a ni a, chhanchhuah beihpui thlak-naah leh indona mual-zawlah ram tana nun hlan huamin a feh chhuak tam ve hle a, chung zinga langsar tlem a zawng tar lang lawk ila. Kum 1968-a Beirut Airport-a beihpui an thlak ṅum khan a phusa ber pawlah a tel a, Israel sipai-

ten kut an thlak tawhnaah chuan ‘*Mission mak dang-lam ber*’ ti hiala an sawi zui kha a ni a. He Mission hi Lebanon-based Palestinian-te’n Israel thlawhna El Al an beih avang thleng kha a ni. Israel sipai-te hian Arab-ho Passenger phur thlawhna 12 ngawt an tihchhiatsak zui nghe nghe a ni. A dang leh chu kum 1973 kuma ‘Yom Kippur’ war an tihah khan a tel zui ve ta nghal a, kha indo khan Ni 40 chhung zet a aw h a ni. Chubakah Attrition war an tih Egypt nena an Indo ṅum khan a tel bawk a; Sipai-a a ṅan chhung hian thihna ko-tlangah a ding hman ve nual bawk. Tichuan Captain thleng a kaisang hman a, kum nga t^l tap sipaia a ṅan hnuin a bansan zui ve ta a ni.

Politics zinkawng leh Palai hnathawh:

Khatia sipaia a ṅan hnua zirna a chhunzawm a; hna

tha tak tak a thawh hnu, kum 1982 atang khan politics khawvel lipui chu a dai tan ve ta a, a tirah chuan sawrkar palai angin hna a thawk hmasa te te a, Minister Moshe Arens nen inhre chhoin Washington DC-a Isarel Embassy-ah Deputy Chief of Mission atan ruat a ni ta a, kum 1982-a Lebanon nena indo a nih khan reserve duty atan koh a ni a; mahse ani chuan khawvel mit hmuha Israel chhan chu a duh zawk avangin USA atanga Israel thupuangtu nih zui chu a thlang ta zawk a. Khawvel demna leh sawiselna lakah Israel chu a chhan nasa hle baw. Media-ten Israel an sawiselna leh khawvel mit hmuha thiam loh chantir an tumna te chu a hmachhawn riap riap zel a; indona tual zawla kalte aiin a thawh hlawk lohna a awm bik chuang awm lo ve. Khawvel mit hmuhah Israel chu a thisen far tawp thleng tan turin a inpe a ni ber mai.

Tichuan kum 1984 atanga 1988 inkar chhung khan Israel tana palai (Ambassador) hna thawkin United Nation-ah a awm zui ta baw a ni. Hetia UN-a a thawh lai hian America President rorum leh Mizo mipui tam takin an duh rawn President Donal J. Trump-a (Mizovin Trum-puia kan tih) Pa, Fred Trump nen pawh an lo inpawhin thian thaah an lo insiam daih tawh baw a ni.

Ambassador hna a bansan hnu kum 1988-ah Israel ramah kir lehin Politics meichher chu a rawn chhi chho tan ta a ni. Tichuan chumi kum vek chuan Likud party chu a zawm zui ve ta nghal a, chu party atang chuan 12th Knesset-ah khan Knesset member (MP ang a ni ang chu)-ah thlan tlin a ni chho ta nghal a. Deputy Foreign Minister hna pek nghal a ni. kum 1991 Gulf war lai te khan ani sapawng thiam

n[^] tak anmahni ang chiaha ṭawng hmang thiam leh thluak ṭha tana ngang chu Media, a bikin CNN te hmachhawnin Israel thupuangtu leh Isarel sawrkar aiawha thu sawituah aṭang chho ta zel a; chu chuan a vawrh sangin a politics zinkawng pawh a ti sawt hle reng a. Kum 1992 inthlana Likud Party an chak loh khan an party chhungah intuai tharna inthlan kum 1993 khan an nei ta a Leader atan thlan a ni zui ta baw k a. kum 1995-a PM Yitzhak Rabin thah a nih khan PM ni lailaw k Simon Peres chuan inthlan neih a nih leh tur thu chu a chhuah zui ve ta nghal vat a. Tichuan Benjamin Netanyahu pawh Likud Party chuan PM candidate atan an vawrh chhuak ve ta nghal baw k a. Israel Inthlanpui chu May Ni 26, kum 1996 khan neih a ni ta a, politics lipui a cheng ve ṭan chauh anga an ngaih

Netanyahu-a chu Prime Minister a rawn ni ta a ni. Hetihlai hian kum 46 mi chauh a la ni a, Israel ram PM ni thei zinga naupang a ni zui ta char char a ni.

Kum 1999-a inthlanna a lo awm khan hnehtua chu hnehin a awm ve ta thung a. Ehud Barak kha a rawn PM ve ta a, Netanyahu pawhin politics chu a ralbansan titih ta deuh a, thluak ṭha leh sumdawanna lam thiam ta na na na chu Israel Communication hmanrua siam chhuaktu BATM-ah hna a thaw k zui leh ta rih a, kum hnih lai a thaw k zui a. Kum 2000-a Ehud-a sawrkar a lo tlak khan politics-a a lunglenna chuan hnai a rawn chhuah leh ṭan ta a. Kum 2003 a lo her chhuah leh meuh chuan politics bu zawl chu a rawn luah lum chho leh der tawh a, hemi kuma inthlanah hi chuan Ariel Sharon kaihruai sawrkar rawn dingin

Netanyahu chu Finance Minister atan a ruat zui a.

An sawi dan chuan Sharon'n Finance Minister a chantirna chhan chu Netanyahu larna a tlak hniam theih nan a tih vang a ni an ti. Hetih lai hian Israel chuan sum leh paiah a hniam vanglai a tawng a, chutih laia Netanyanhu-a'n sum leh pai a enkawl chuan mipuiin a lakah rinna an nei lo anga, mipui laka a lo lar tawhna chu a beng hniam thei ang tih rilru a put vang a ni an ti. Mahse, **a letlinga vuttui thlawr bel** an sawi ang maiin Business-a Master degree nei; mi thluak tha ta ngang chuan PM hnenah chuan mi dang tumah inrawlh lova a hna chanpual chu enkawl a dil ta a, phalsak a ni zui ta baw, chutah duh ang th[^]la an ram sum leh pai tlachhia siamthat hna a han thawk tak tak chu an ram ei leh bar sum leh pai te chuan par rawn chhuang lehin hna nei

loten hna thar an vuan leh sap sap ta a, chu chuan Netanyahu chu tui fawn ang maiin a rawn vawrh sang leh ta, thenkhat phei chuan "Sum leh paiah thilmak tihna a thleng' an ti hial ta reng a ni.

Kum 2006-2009 inkar chhung kha Opposition Leader-ah a awm chho leh ta a, politics a zin kawng hi a tuang purh reng bik lo tih chu a tichiang hle awm e. Mahse, Kum 2009 a lo her chhuah meuh chuan politics lipui vir muai muaia lawng vawi tam lo khalh tawhtu chuan hnehna hlado a rawn chham leh ta tlat mai le. Hemi kum inthlanah hian hnehna rawn chang lehin a vawi hnihna tan PM a rawn ni leh ta a ni.

Kum 2013-a inthlan a lo awm leh khan a vawi thumna atan PM a rawn ni leh ta a, hemi tum hian an party hian party dang sangawi zawnpuin sawr-

karna an siam leh ta a. kum 2014 a lo her chuan thil inthlak danglam awm ta tlat a, Netanyahu chuan a Minister pahnih a bàn ta thut a, chu chuan a sawrkar chu a tiding zo lova, inthlan that a ngai leh ta tlat a, tichuan, 2015 inthlanah chuan party dang nen eng tin tin emaw sawrkarna chu a siam zui leh ta a, PM hna a chelh chhunzawm leh ta a ni. May 17, 2020 inthlanah khan party mal angin seat la tam mah se mahnia sawrkarna siam thei a nih tak lovah chuan Benny Gantz-a nen inremsiamin sawrkarna an siam leh ta a, a vawi nga nan PM hna a chelh leh ta a ni. Israel politics dam khawchhuak tura hetiangal ralrel thiam leh bei thiam ani ang hi an la awm love anti hial reng a ni. Mahse, kumhlun lohna khawvelah zet zawng chutiang ang politics-a hrat khawkheng pawh chuan par a chhuah reng thei ta bik lova, party mala sawrkarna

siam thei ta bik lo chu June Ni 13, 2021 a lo her chhuah meuh chuan Israel Independence hnua PM chelh rei thei ber nihna a lo siam kum 12 zet a zawna PM a nihna chu kalsan a tul ve ta, tichuan Opposition Leader niin a politics zin kawng chu a la zawh ta zel tho a ni. Tichuan a hma aia chak zawkin seat 120 awmah a party Likud chuan seat 32 hmuin party dang a thawhpuite nen a vaiin 64 hmuin 2022 election-ah khan hnehna a chanpui leh ta a, December 30, 2022 khan a vawi ruk nan PM atana lakluh a ni leh ta a ni. Tichuan kum 15 chung PM nihna a chelh zui ta mek bawk a ni. Ram tana a hnathawh ropui tak tak an ram economy a siam that dan te, an military a thuum chak dan te, technology leh energy lamah khawvel mit hmuha Israel a pho chhuah dan te, an ram leh a mipuite an hmelma kumhlunte laka a ven dan ngaihnawm leh

thungrul lova hnu a hnutchhiah duh loh dan te, Abraham Accords President Trump-a hova an hmelma Arab ramte nen an sign chanchin te, US Embassy Jerusalem-a President Trump-a hova sawn a nih dan te kan sawi kai hman ta lo, Engpawh nise May, 2021-a Ni 11 chhung Hamas-ho nen a in kah tuma a thusawi te kha a ropui mang e. A tawp kharnaa a sawi chu hei hi a ni, ***“Chuvangin a tawpab chuan hemi avang bian hnebna kan chang ngei dawn a ni. Israel-te vengtu chu a mubil ve ngai si lo, Abrahama Pathian, Isaka Pathian, Jacoba Pathian, Kan Pathian Yahweh ngei chu,”*** tiin.

“Ka tih dik loh aiin ka tih dik a tam zawk” tia sawi ngam ngattu leh ***“Kan thil tum chu mawlmang te; chu chu Juda nun chhan nana Juda ram din hi a ni a, engtik lai pawhin kan***

dam khawchbhuahna tura kan beih hi kan chanvo a ni,” tia mahni inrintawkna ngah mi, a ram leh a hnam bakah hnam anga dintu hrechiang a; huaisen leh thisen far tawp rat thleng pawh a ram tan beih huamtu hi khawvel politics mualzawlah pawh tornado thlipui ang maia hrohrang n^ leh thawm nei lian, Juda hnam humhim duh burtu, Conservative, right wing ruh em em,an tradition leh culture Yahweh-in a pek vawng nunga, humhim tlat duhtu, thiangaunain a pawlh ngaithei lo mi, Pathian(Yahweh)-in a pek an ram neih chhun Israel, Bible-in a sawi anga pawm-a, a ramri leh a awm dan hum duha beitu huaisen, Hruaitu leh Hotu nih kawp thiam, a finna leh thiamna ramdang tana khawhral thei; sum leh paiah pawh hmuingilna hmu thei zawk reng tur a kha, a hnam leh ram tana inchhit ral a thlan zawk avanga mahni rama

kir leh ngat a nihna te hian Israel ram a din chhung
a ropui zia a tarlang chiang chuan an chanchin zia kna
awm e. A ram tana a buah a hming hi a chuang
theihna tam ber hlantu an reng tawh ang. A Thisen
ram mipui ten 'BIBI' tia an chu Juda thisen fir a ni tlat
koh ngat hi he khawvel-a si a.

NGENNA LEH HRIATTIRNA

Kohhran Chanchinbu Shofar-ah hian Lawmpuina emaw, Sunna emaw chhuah tur a awm chuan chhuahna hmun tur zuah a ni a. Chutiang chhuah tur chi a awm a nih chuan chanchin kimchang taka zia kin Editorial Board member-te hnenah theh luh thin tur a ni.

Kohhran member thi an awmin a theih phawt chuan Sunna dah ngei tha kan ti a, hemi ti tur hian mitthi thlalak leh an chanchin tawi kimchang rawn thawn thin ni se. hetiang buaipui tur chu Local hruaitu, a bikin Secretary-te mawhah a tlak deuh avangin kan bial chhungah chhiat tawk kan awm chuan Local Secretary emaw, Bial Secretary emawin lo ngaihven thin ni se a lawmawm ngawt ang.

Editor

SÛNNA



LALNUNTLUANGA

Tv Lalnuntluanga hi ni 15 June, 1987-ah a lo piang a, a pianpui unaute:

1. Israel Lalvohbiki (L)
W/o Nehemia Lalrinawma,
Upper Republic
2. Diana Lalsawnliani
W/o James Lalhmangaiha,
Champhai
3. Zoramawii
4. Samuel Lalmalsawma
H/o C. Lalmalsawmi,
Phunchawng

Tv Lalnuntluanga hi kum 14 mi a nihin, Pu M. Lalthansiamia (L) hnuaiha Rora chhuin a inhlawh ve a. A chanchinte an hriat chian hnuin, nu leh pa mumal taka

belh tur nei lo, mi khawngaih thlak tak a ni tih an han hriat chuan an khawngaih ta em em a, fa atan an la ta a ni. Hmangaih takin an enkawl a, ziak leh chhiar te a thiam loh avangin Lungverh Primary School-ah luhtirin, pawl 4 thleng a zir. Hetih lai hian a patea'n Bihar lamah leileta a chanpual turte pek ve a, ti fel tur angin a thlem a, hreh tak chungin a kal thla a; mahse, a patea hian a ngaihsak zui leh tak si loh avangin, hmun hrang hrangah a vak kual a. Chumi hnu chuan Shimla aţangin eng tin tin emaw a nu leh pa, Pu M. Lalthansiamia (L) leh Pi H. Zothansangi (L) te kha a rawn be pawp ta hlauh mai a. Tichuan, an niin theihpa tawpin a lo haw theih dan tur an ngaihtuah a, kum 2006 khan a rawn haw thleng ve leh ta hram a.

A nu leh pate hian a thawh ve theih awm thilte theihtawpin an ngaihtuah-

sak a, Forest DFO Pu Lian-kima Lailung hnenah Sahuan lamah te a thawh theih awm te dilsakin, a ni chuan a lo khawngaih a, Sahuan enkawl turin MR-in a lo dah lut ve hlauh mai a. Kum 2019 khan a hna aṭang hian a chawl a, a ṭul ṭul thawkin chhungkaw tan a ṭangkai em em a, a pa boral hnu phei chuan a nu kut leh ke ber a ni.

Tv Lalnuntluanga hi mi nun ngil tak niin thuawih thei tak a ni a, kum 2021 aṭang khan a hriselna te a ṭhat vak loh avangin Doctor hnenah entir ṭhin a ni a. Investigation hrang hrang tih a ni a, chutah chuan Pneumonia a nei tih hriat chhuah a ni a, enkawlna pawh ṭha takin pek a ni a, zawi muangin hma pawh a sawn ve hret hret a. Mahse, a natna hian a kiansan fihlim theih meuh lo va, ni 31 May, 2023 khan a nu, Pi H. Zothansangi chuan a boralsan ta thut mai a. A nu

thi hi a tuar em em a, chaw ei thei lo leh mu ṭha thei loin a awm a, enkawlna theih ang tawka pek niin, eitur ṭha leh drip te khai a ni a, SpO2 te pek tel a ní bawk a. Ni 18 June, 2023 chawhnu lam aṭang khan a ^wm lam a nuam lo zual deuh a, Damdawi in panpui tum a ni a; khaw ṭha lo leh kalkawng lama harsatna a awm avangin kalpui theih a ni lova, in lamah Doctor te biain enkawlna pek a ni a, A tuk zing lama Hospital pan tura an inbuatsaih laiin zing dar 5 bawr vela kaihthawh an tum chu, kaihthawh theih a ni ta lova, a hrilhhai thlak hle a ni.

Hemi ni, 19.6.2023 chhun dar 1:00-ah Bialtu Pastor ST John Beingchhie chuan vuina hun a hmang a, Thlanmualah Pastor K. Rothanga'n ṭawngṭaiin a thlah liam ta a ni. A kalsan tak a u leh naute Lalpan awmpuiin thlamuan zel rawh se.